

SIARAN AKHBAR

TH LAKSANA PROGRAM GOTONG-ROYONG MASJID

KOTA BELUD, 17 Julai 2020 – Lembaga Tabung Haji (**TH**) hari ini menganjurkan program gotong-royong di Masjid Jamek Al-Hashim yang melibatkan seramai lebih 100 orang terdiri daripada anggota **TH** Negeri Sabah, ahli jawatankuasa masjid serta ahli komuniti daerah Kota Belud.

Objektif utama program ini adalah untuk membersih dan membaik pulih keadaan masjid yang terjejas teruk akibat bencana banjir kilat pada lewat Jun 2020 lalu, sekaligus mengurangkan beban kerja ahli jawatankuasa masjid. Melalui program ini, **TH** juga membantu mangsa-mangsa banjir kilat melalui Zakat Wakalah Negeri Sabah dengan memberi bantuan kewangan berjumlah RM142,500 kepada 285 buah keluarga terlibat, di mana setiap keluarga akan menerima sumbangan sebanyak RM500.

“Program yang kita laksanakan hari ini adalah salah satu daripada aktiviti khidmat masyarakat dalam usaha membantu mereka, khususnya yang ditimpa bencana dan memerlukan bantuan. Program sebegini juga merupakan platform terbaik bagi pihak pengurusan **TH** untuk mendekati masyarakat dan mengeratkan lagi ikatan silaturrahim,” kata Pengarah Eksekutif Operasi **TH**, Tuan Haji Mustakim bin Mohamad yang turut sama bergotong-royong membersihkan kawasan masjid.

TH berharap aktiviti gotong royong dan sumbangan yang diberi dapat meringankan beban ahli komuniti dan keluarga yang terkesan akibat bencana banjir kilat tersebut.

Turut hadir pada majlis itu ialah YBrs. Puan Hajah Diana Abdullah, Pegawai Daerah Kota Belud; YBhg. Datin Hajah Nurlaila Said, Pengarah **TH** Negeri Sabah; barisan pengurus cawangan dan anggota-anggota **TH**.

- Tamat -

LEMBAGA TABUNG HAJI

Lembaga Tabung Haji (**TH**) merupakan sebuah badan berkanun yang ditubuhkan oleh Kerajaan Malaysia pada tahun 1963 dan ditadbir berdasarkan Akta Tabung Haji 1995 (Akta 535). **TH** menyediakan kemudahan bagi umat Islam di negara ini menyimpan wang untuk mengerjakan haji. **TH** mempunyai lebih 50 tahun pengalaman dalam perkhidmatan simpanan, haji dan pelaburan. Sebagai sebuah institusi haji terunggul negara, **TH** berusaha untuk mengukuhkan ekonomi umat Islam Malaysia dengan memanfaatkan dana dan sumber sedia ada. **TH** komited memberi perkhidmatan cemerlang dan memuaskan kepada semua Jemaah Haji Malaysia. Pencapaian **TH** yang konsisten telah mendapat pengiktirafan dunia sebagai model pengurusan haji inovatif. **TH** mempunyai lebih 9 juta pendeposit dan 125 cawangan dengan lebih 10,000 'touch-points' di seluruh negara. **TH** juga mempunyai sebuah pejabat yang beroperasi di Jeddah, Arab Saudi di bawah Konsulat Malaysia.

Untuk maklumat lebih lanjut mengenai perkhidmatan Tabung Haji, sila lawati www.tabunghaji.gov.my atau hubungi Tabung Haji Contact Centre di talian 03-6207 1919. Keterangan lanjut mengenai siaran akhbar ini, sila hubungi:

Affan Aimaduddin Azami	Mohamad Naser Jaffar
Eksekutif	Pengurus Kanan
Bahagian Komunikasi Korporat	Bahagian Komunikasi Korporat
Lantai 16, Menara TH Tun Razak	Lantai 16, Menara TH Tun Razak
201 Jalan Tun Razak	201 Jalan Tun Razak
Kuala Lumpur	Kuala Lumpur
Tel: 03 2054 2238	Tel: 03 2054 2451
Tel. Bimbit: 019 984 7138	Tel. Bimbit: 019 200 8438
Faks: 03 2164 0436	Faks: 03 2164 0436
Emel: affan.aimaduddin@lth.gov.my	Emel: naser@lth.gov.my